

тѹю въ женѣ: аще же не восхощете мнѣ дати еѧ, сотворю въшемѹ Царюградѹ тѹ, еже сотворихъ Херсонѹ. Таковѹ ѿ Владиміра посланіе пріемше царь Гречестин, выша въ печали немалой, сестра во ихъ, ейже имя Анна, не хоташе ити за поганина: многѧ же Руссійскихъ боевъ силы и храбрости Владиміровы болюхса Грѣцы. И восписаша царь къ немѹ сице: не достѡнтъ намъ Хрїстіаномъ за превывающаго въ нечестивой вѣрѣ ѿдади сестры нашей: аще же имѣти бнѹ хощеши, тѹ ѿвержиса ідолашвъ твоихъ, и вѣрѡи во Хрїста истиннаго Бѹга, якоже и мы, и прїимъ святѹе крещеніе, тогда невозвратнѹ поймешъ тебѣ въ сѹпрѹжество сестрѹ нашѹ, и съ нами ѡкѹ единствѣренъ въ любви пребѣдеши, ещѣ же и невѣсное насладѡши царство. Таковъ ѿвѣтъ царей Греческихъ Владиміръ пріемъ, пакн посла къ нимъ, глагола: возлюбиса мнѣ вѣра ваша ѿ тогѹ времени, егда посланнѡи ѿ менѣ испытовати различныя вѣры, вывше оу васъ, возвратишася къ намъ, и сказаша подробнѹ, ѡкѹ вѣра ваша есть лучша паче всѣхъ вѣръ, и служеніе, ѡмже служите Бѹгѹ въшемѹ, есть истрѡднѣйшее паче всѣхъ народшвъ. Хощѹ оубо прїати вѣрѹ вашѹ, вы же послите ко мнѣ епископа, да мѧ креститъ, и сами съ сестрою вашею прїидите къ намъ, или сестрѹ послите мнѣ въ сѹпрѹжество, азъ же возвращѹ вамъ Херсонъ со всею Таврїкією. Таковѹ добродю вѣсть царь Гречестин пріемше, возрадовашася радостію велією, и сестрѹ свою, да пойдетъ за Владиміра, оувѣщаваша съ моленіемъ глаголюще: оумилосѣрдиса надъ царствомъ Хрїстіанскимъ: аще во не пойдеши за него, тѹ не престанетъ бнѹ плѣнити земли нашей, и боленно есть, да не сотворитъ и Царюградѹ якоже Херсонѹ. аще же тебѣ рѡди Владиміръ креститсѧ, и тобою ѡвратитъ Господь къ себѣ зѣ-